



**SCOLA
LUMNEZIA**

351.20

Reglament davart excursiuns e projects

dils 01 da settember 2016 (stan 01-09-2016), vers. 1.1



Reglament davart excursiuns e projects

Relaschaus dil Cussegl da scola, ils 01-09-2016.

Las indicaziuns da personas, funcziuns e professiuns serefereschon ad omisduas schlatteinas, aschi lunsch ch'ei seresulta buca enzatgei auter ord il senn da quest reglament.

I. General

Art. 1 Intent e finamira

- ¹ Il Cussegl da scola beneventa autras fuormas d'instrucziun che san cumpletar l'instrucziun ordinaria.
- ² Excursiuns e projects duein da principi enrihir l'instrucziun ordinaria. Per il connex tier quella ei la persuna d'instrucziun mintgamai responsabla. Cun in program correspondent ein tut las cumbinaziuns da classas e partiziuns da nossa scola pusseivlas.

Art. 2 Organisaziun generala

- ¹ Projects ed excursiuns cun autras scolas/classas ein pusseivels, basegnan denton ina lubientscha dil MS.
- ² Excursiun e projects da tochen 2 gis han liug duront las uras d'instrucziun. Excepziuns argumentadas ein pusseivlas cun lubientscha correspondententa dil MS.
- ³ Las informaziuns als geniturs ed auters pertuccai duein succeder ad uras. Tier midadas d'urari ni dil temps d'instrucziun duein ils geniturs vegnir informai sil pli pauc 3 gis avon. Tier prolungaziuns entras integrar sonda succeda l'informaziun dils scolars e geniturs silmeins in meins ordavon. Per l'integrasiun dalla dumengia drova ei il consentiment dils geniturs. Prolongaziuns vegnan buca compensadas.
- ⁴ La PI responsabla organisescha tut quei che stat en connex cul project.
- ⁵ Damondas da congedi duront il project vegnan tractai a moda fetg restrictiva.
- ⁶ Il project/l'excursiun ha liug en Svizra ni egl'exteriur vischin (per regla max. 2 uras viadi naven dil cunfin).

Art. 3 Handy ed apparatus electronicas

- ¹ Il diever ei reglaus egl'orden disciplinar.

Art. 4 Rendiment da quen

- ¹ Quens e quittanzas ein d'inoltrar al secretariat. Da projects pli gronds fa il secretariat in quen final.

Art. 5 Sponsurs

- ¹ Igl'ei pusseivel da recaltgar daners entras sponsurs en coordinaziun cul MS. Igl'ei denton da principi scumandau da dar vinavon datas dils scolars.

II. Excursiuns e projects da tochen in miez di

Art. 6 Connex cun l'instrucziun

- ¹ Excursiuns e projects da quei gener duein sfurzadamein haver in stretg connex cull'instrucziun e cul plan d'instrucziun. Ei quei buca claramain evident, drova ei ina damonda corrispundenta al MS.



Art. 7 Organisaziun

1. La PI responsabla organischescha tut quei che stat en connex cull'excursiun. (informaziuns, transports, entradas, midadas d'urari, etc.)
2. L'informaziun als scolars ed als geniturs succeda baul avunda, cunzun sch'ei setracta da midadas d'urari. (turnar pli tard, mezs gis ch'ils scolars han buca scola tenor urari, etc.)
3. Mintga PI sa organisar excursiuns e projects da tochen in miez gi senza consentiment dil menader da scola, exceptiu sch'ei seresultan cuosts ordlunder.
4. Il MS vegn adina informaus ad uras (sil pli tard 1 gi avon) davart projects ed excursiuns.
5. Per excursiuns che caschunan cuosts drova ei ina semplia damonda al menader da scola cun indicaziun dils cuosts approximativs. Quella damonda duei succeder aschi baul sco pusseivel, denton sil pli tard 3 gis avon.

Art. 8 Cuosts

1. Excursiuns e projects da miez gi senza lubientscha astgan caschunar negins cuosts.
2. Tier excuriuns lubidas entras il MS vegnan ils cuosts surpri cumpleinamein dalla scola, exceptiu cuosts d'alimentaziun.

III. Excursiuns e projects dad 1 - 2 gis

Art. 9 Connex cun l'instrucziun

1. Excursiuns e projects da quei gener ston buca haver in connex direct cun l'instrucziun. En gliez cass drova ei in'introducziun e preparaziun sco era in'elaboraziun posteriura dil tema en scola.
2. Il MS ha la cumpetenzza da decider persuls davart projects ed excursiuns tochen fr. 2'000.- ed ensemen cul presidi dil CS per tals che survargan.

Art. 10 Organisaziun

1. La PI responsabla organischescha tut quei che stat en direct connex cull'excursiun. (informaziuns, transports, entradas, etc.)
2. Per projects ed excursiuns en quella dimensiun drova ei ina damonda corrispundenta cun indicar

- a) las finamiras
- b) il program
- c) il preventiv (calcul da cuosts)
- d) l'integraziun ell'instrucziun (preparaziun sco era lavur posteriura)

al MS. Quella damonda duei succeder aschi baul sco pusseivel, denton sil pli tard 2 jamnas avon l'entschatta dall'occurrentza.

3. Excursiuns che cuozzan dapli che 2 gis ein da principi buca pusseivlas. Exceptiuns drovan ina damonda corrispundenta al CS.
4. Ord motivs plausibels eis ei pusseivel dad inoltrar ina damonda d'excursiun a cuorta vesta.

Art. 11 Cuosts

1. Ils cuosts d'alimentaziun duront excurisuns vegnan adossai als scolars/geniturs. Igl ei era pusseivel da prender picnic. Tut tenor project e cuosts eis ei pusseivel d'incassar dils geniturs ina contribuziun da tochen max. fr. 20.-/affon per in project dad in gi e per in project cun



pernottaziun fr. 50.-/affon. Il MS fixescha la contribuziun ella lubientscha sin fundament dil preventiv inoltrau dalla PI.

IV. Jamnas da project (3 gis da project e dapli)

Art. 12 General

- ¹ Jamnas da project ein pusseivlas sin tut ils scalems da scola.
- ² Il CS decida davart jamnas da project e camps.
- ³ Ina jamna da project ha adina in tema/motto.

Art. 13 Temps/cuoz dil project

- ¹ Igl ei pusseivel da prolungir la jamna da project cun partir pli baul e turnar pli tard. Medemamein eis ei pusseivel d'integrar la sonda e sche tuts geniturs van d'accord era la dumengia.

Art. 14 Connex cun l'instrucziun

- ¹ Jamnas da project ston buca haver in stretg connex cun l'instrucziun. Ellas ston denton sfurzadamein haver in connex cul plan d'instrucziun. En gliez cass drova ei in'introducziun e preparaziun sco era in'elaboraziun posteriura dil tema en scola.

Art. 15 Scomi da classa

- ¹ Jamnas da project ordeifer duein sche pusseivel cuntener in scomi da classa. La damonda corrispundenta (per la contribuziun cantunala) tschenta la PI via MS.

Art. 16 Organisaziun

- ¹ Per projects e camps drova ei ina damonda corrispundenta al CS via MS cun indicar il suandont:
 - a) las finamiras
 - b) il program
 - c) il preventiv (calcul da cuosts)
 - d) l'integraziun ell'instrucziun (preparaziun sco era lavur posteriura)
 - e) puncts d'organisaziun
 - f) persuna accumpignonta (leu nua che quella ei pretendida)
- ² Quella damonda duei succeder aschi baul sco pusseivel, denton sil pli tard 9 meins avon l'entschatta dall'occurrenza per projects e camps ordeifer, 6 meins per auters projects e 2 meins per projects en scola. La damonda sa era succeder cun in program approximativ per aschia sondar sch'il project vegn lubius en quella fuorma. En gliez cass fixescha il MS il termin d'inoltrar il program detagliau.
- ³ La PI responsabla organisescha tut quei che stat en direct connex cul project. (informaziuns, transports, entradas, etc.)
- ⁴ Ils scolars duein vegnir integrar ella prepraziun dil project ton sco pusseivel, denton cun informar els davart las reglas da giug e senza far empermischuns.

Art. 17 Accumpignament

- ¹ Projects dad in e plirs gis che han buca liug ella casa da scola vegnan menai atras da sil pli pauc duas PI.



2. Jamnas da camp ni projects cun star surnotg ordeifer vegnan menadas da sil pli pauc 3 personas (masculin e feminin). La tiarza persuna sto buca esser ina PI.
3. Ils cuosts per tiarzas personas che segidan en connex cun projects e jamnas da camp vegnan surpris dalla scola. Il MS decida davart l'indmenisaziun sin fundament dall'incumbensa. La tariffa max. per/gi munta a fr. 200.-

Art. 18 Cuosts

1. Ils cuosts vegnan finanziazi suandontamein:
 - a) ord la cassa da scola.
 - b) la scola separticipescha cun fr. 20.-/gi per scolar.
 - c) Ils geniturs separticipeschon cun max. fr. 20.-/gi/affon.
 - d) Ils cuosts per gidonters externs (ex. logopeda) vegnan pagai cumpleinamein dalla scola.
2. Eventuals sponsurs reduceschan correspudentamein la part dalla cassa da scola.
3. Tier projects/camps nua ch'ils affons maglian per gronda part e dierman a casa vegn la compart dils geniturs reducida correspudentamein.
4. Il CS approbescha il preventiv sco era il program jamnil. Per la qualitad dils projects/camps ei en emprema lingia la PI responsabla, cun l'approbaziun dil program secundarmein era il MS.

Art. 19 Jamna da project 3. superiura

1. Durent il 2. semester dil 9. onn da scola vegn menau atras ina jamna da project ordeifer cun integrau 1 gi da recreaziun (viadi da scola) ed in scomi da classa cun ina scola/classa locala.
2. La jamna da project vegn menada atras comunablamein dalla 3. reala e 3. secundara.
3. Sin fin da matg dil 2. onn da scola superiura innoltreschan las PI da classa ina ni pliras propostas per la jamna da project via MS al cussegl da scola. Las propostas ston cuntener il tema/moto dalla jamna, finamira groppa, il liug/la regiun ed in grop calcul da cuosts.
4. Ils scolars organiseschon ina presentaziun interna da lur project suenter il retuorn. La fourma da quella presentaziun ei libra.

Art. 20 Vigur

1. Quest reglament entra en vigur cun l'approbaziun entras il Cussegl da scola e vala cun l'entschatta digl onn da scola 2016/17.
2. Cun l'entrada en vigur da quest reglament ein las disposiziuns d'auters decrets che stattan en cuntradicziun cun quel abrogadas.

Approbau il reglament entras il Cussegl da scola ils 01-09-2016.

La presidenta:


Elisabeth Lorez

L'actuara:


Evelyn Casanova